

Xojon carta-la San Pablo xi kiskiì-la xita naxandá-la Cristo xi títsajna Éfeso

Kó tsò Pablo nga síhixat'aà jñà xita
naxandá-la Cristo xi títsajna Éfeso

1 ¹Jñò xi xita-la Nainá 'mì-nò xi titsajnaà naxandá Éfeso, jñò, xi kixi onguít'aà-la Cristo Jesús, 'an xi 'mì-na Pablo tisihihat'aà-nò nga 'an tsibíxáya-na Jesucristo nga k'oas'ín kjòmejèn-la Nainá. ²Nainá xi Na'è-ná, kò jè Jesucristo xi otíxoma-ná kàtatsjá-nò kjondaà kò kjoa'nchán ya ijiin inima-nò.

Kós'ín síchikon-t'in-ná Nainá k'e nga Cristo titsajnaakoáá

³Jeya kàtìjna Nainá, Na'è-ná Jesucristo xi otíxoma-ná nga kisichikon-t'in-ná, kitsjaà-ná ngats'iì kjondaà xi ts'e inima-ná xi ngajmii nchrobá-ne koi kjoa-la nga Cristo titsajnaakoáá.

⁴Nainá xó k'oaá s'ín jaàjiin-ná k'e nga tikj'leè sindaà isò'nde nga Cristo titsajnaakoáá mé-ne nga nímé jé s'e-ná kò tsjèè kitsajnaá nguixkòn jè. ⁵Koi-né nga matsjakeè-ná nga k'oas'ín kiskoòsòn-la nga tisa-ne nga kiskoétjò-ná koni ixti jchan-la maá xi it'aà ts'e Jesucristo. Nainá k'oaá s'ín kis'iin koni s'ín kisaseèn-la ta koi kjoa-la nga k'oas'ín kjòmejèn-la. ⁶Koif kjoa-la nga jeya bijna Nainá nga tse kjondaà kitsjaà-ná nga kisichikon-t'in-ná nga ya titsajnaakoáá ki'ndí-la xi 'ñó matsjakeè. ⁷⁻⁸Jè jní-la Jesucristo tsibíchjítjì-ná koa kisijchàat'aà-ná jé-ná nga Cristo titsajnaakoáá, nga 'ñó tse kjondaà tjín-la Nainá nga tsjá-ná kjohítsjeèn kò kjoachjine xi tjín-la. ⁹K'oaá ma-ne nga tikoá tsakó-ná jè kjoatjí'ma-la

koni s'ín kjòmejen-la jè, tìkoíí-ne kjohítsjeèn-la xi tjiè-ne kiskòòsòn-la nga kitàsòn. ¹⁰Koni s'ín tjíndaà-la kjohítsjeèn jè, kijchò nàchrjein nga kitàsòn tsjeè. Nainá, jé sùjngòò yije nìta mé xi tjin ngajmii kò it'aà nangui nga jè Cristo kotixoma.

¹¹Nainá jyeé kjòtsee jaàjiiin-najen nga Cristo titsajnakò-jen. Kitjoé-najen kjòtjò xi tsjá Nainá koni s'ín tjíndaà-la nga k'oas'ín bitasòn 'én-la koni s'ín ndaà sasén-la. ¹²K'oaá s'ín kis'iin nga ngajen kinikítsajna ítjòn-jen nga jeya tíjna Nainá, ngajen xi xita judío 'mì-najen, ngajeén kòkjeiin ítjòn-najen it'aà ts'e Cristo.

¹³Tìkoáá jñò nga ya titsajnakoo Cristo, k'e nga kina'ya 'én ndaà-la Nainá xi kjoa kixi, jè xi tsachrjekàjiiin-nò kjo'in nga kòkjeiin-nò it'aà ts'e Cristo, Nainá kitsjaà-nò Inima Tsjeè-la; yaá tsibít'aà chiba-la ijiiin inima-nò, koni s'ín jye kitsjaà tso'ba nga tsjá-nò. ¹⁴Jè Inima Tsjeè-la Nainá, jè-né xi tjoé ítjòn-ná nga kixi kjoa nga tjoé yije-ná kjòtjò xi Nainá tsjá-ná jè nàchrjein k'e nga kongàsòn nga sùikítsajnandeíí-ná xi naxandá-la maá mé-ne nga jeya kíjna-ne Nainá.

Kós'ín bítsi'ba Pablo it'aà ts'e jñà xita xi jye mokjeiin-la

¹⁵Koii kjoa-la k'e nga ki'nchrè nga mokjeiin-nò it'aà ts'e Jesucristo xi otixoma-ná, kò nga matsjacha ngats'iì xita-la Nainá; ¹⁶mìkiì sùjchàajñàà nga nàchrjein inchiòn tsjaà-la kjondaà Nainá xi it'aà tsajòn; k'e nga bítsi'ba-la, síjét'aà-la xi kjondaà tsajòn ¹⁷mé-nè nga jè Na'èn-ná xi jeya tíjna, jè xi Nainá tsò-la Jesucristo xi otixoma-ná, jè kàtasíkhichiya-nò kò kàtatsjá-nò kjoachjine xi ts'e inima-nò mé-ne nga isa ndaà jchaxkon-nò Nainá. ¹⁸K'oaá s'ín síjét'aà-la Nainá nga sùihiseèn-la kjohítsjeèn-nò mé-nè nga jcha-nò mé xi chiñà-la nga xó kinokjoàa-nò. Tìkoáá jcha nga 'nó ndaà tjin kò 'nó jeya tjin kjòtjò xi Nainá tsjá-la jñà xita naxandá-la. ¹⁹Tìkoáá síjét'aà-la nga jchaxkon kó kji 'nó tse nga'nó tjin-la Nainá nga koma kosiko-ná jñà xi mokjeiin-ná it'aà ts'e. Tìkoíí-ne nga'nó xi 'nó tse tjin-la Nainá ²⁰xi kisikjeén nga kisikjaáya-la Cristo k'e nga k'en, ikjoàn jeya kisikíjnat'aà chrja kixi-la ján ngajmii ²¹nánda nga isa ta 'nó 'nga kisikíjna ítjòn mì k'oaá-ne tsà jngòò xita ítjòn, xitaxá ítjòn, ngats'iì nga'nó xi tjin i it'aà nangui kò xi tjin ijiiin isén, ngats'iì xi tjin-la kjòtixoma ngajmii; tíjna ítjòn-la ngats'iì xi tjin isò'nde jè, kò jè isò'nde xi sa

nchrobá. ²²Nainá, jè kisingatsja yije Cristo, ngats'iì kjotíxoma xi t́jín; t́koáá jè kitsjaà yije-la Cristo nga jè koma xi sko-la naxandá-la. ²³Naxandá-la t́jè-ne yijo-la Cristo; ko jè tsjá yije-la nítá mé xi chija-la. T́jè-ne Cristo xi síjngod yije, nítá mé xi t́jín isò'nde.

Kós'ín síjchàat'aà-ná jé-ná Nainá

2 ¹Jñò, nga sà kjõtseé, k'oaá गया-la koni tsà titsajna k'en-nò it'aà ts'e Nainá nga jè kjoa-la jé-nò nga ch'o ki'nè. ²K'oaá s'ín tse tsitjaàyaà ndiyá jé-la xítá isò'nde; jè kinikitasòn-là xítá neí xi sko-la tjo ijìin isén nga jè síxájiin iníma-la jñà xítá xi mìkìi 'nchréñijon-la Nainá. ³T́koáá ngats'iaá jñá, k'e nga isa kjõtseé, k'oaá t́s'ín chinchaaàtsjiaá jé koni s'ín kjòmejèn-la yijo-ná ko kjohítsjeèn-ná. T́jín-ne nga ngàsòn tse kjo'in k'oi-ná tsà ndaà, koni jñà xítá xi kj'eíi nga koi kjoa-la jé-ná. ⁴Tanga Nainá, tseé kjohimatakòn t́jín-la nga 'nó matsjakeè-ná. ⁵Nainá kisikítsajnakon ijngod k'a-ná ko Cristo, nas'ín jye titsajnak'eén xi kjoa ts'e jé-ná. (Ko jñò, tà kjondaà-la Nainá-né nga bitjokàjñòd kjo'in.) ⁶Nainá, kisikjaáyakjod-ná ko Cristo, nga ya titsajnaakoáá, ko tañaá kisikítsajnakjod-ná ján ngajmì. ⁷K'oaá s'ín kis'iin mé-nè nga kòkò-ne jñà nachrjein xi sà nchrobá nga tse kjoatjòcha t́jín-la ko tse kjondaà t́jín-la it'aà tsaján nga Cristo Jesús titsajnaakoáá. ⁸Tà kjondaà-la Nainá-né nga itjokàjñòd kjo'in nga kòkjeíin-nò it'aà ts'e Cristo. Mìtsà kjondaà tsajòn nchrobá-ne kjoa koi; ta kitsjaà kjotjò-nò Nainá. ⁹Mìtsà koi kjoa-la nga xá ki'nè, mé-nè nga nijngod xítá ndaà síkíjna-ne yijo-la. ¹⁰Nainá tsibíndaàya xítse ijngod k'a-ná, nga ya titsajnaakoáá Cristo, mé-nè nga s'eén ngats'iì kjoa xi ndaà t́jín, jñà kjoa xi Nainá jyeé k'oas'ín kiskòdòn-la nga t́sa kjõtseé nga kòs'ín sikitasoán.

Kjoa'nchán xi t́jín-ná nga Cristo titsajnaakoáá

¹¹Jñò xi mì ya tjen-nò tje-la xítá judío, k'oaá tsò-nò jñà xítá judío xi t́jít'aà chibá yijo-la nga mìtsà xítá-la Nainá 'mì-nò, koií kjoa-la nga mì t́jít'aà chibá-nò kjoa ts'e circuncisión. Tanga jè kjoa jè, tà tsja xítáá bíndaàya-ne yijo-la. ¹²Tíkítsjeèn k'e nga sà kjõtseé jñò titsat'aàxìn-la Cristo; t́koáá titsajnat'aàxìn-la naxandá Israel, mìkìi ya nokjoà-nò koni s'ín tsibíndaàjiin-ko Nainá jñà xítá judío koni s'ín kitsjaà-la tso'ba Nainá. Isò'nde

jè, nímé xi chiñà-là kò mìkii yaxkon Nainá. ¹³Tanga i'ndeì, nga ya titsajnakoo Cristo, Nainá jyeé kisìchrañat'aà-nò jè kjoa-là jní xi tsibíxteèn Cristo, nas'ín kjiìn tjat'aàxìn-là Nainá nga sa kjòtseé. ¹⁴I'ndeì, jè Cristo xi tsjá-ná kjoa'nchán. Kisikjoóndaà-ná nga jngod naxandá komà-ne jñà xita judío kò xi mìtsà xita judío. Jè kisìhixàña jè kjoa kondra xi jòya tjín nga sa ítjòn k'e nga kitsjaà kjotjò yijo-là nga k'en-t'aà krò. ¹⁵Yaá kisikjehet'aà jè kjotíxoma-là Moisés xi tjín-là jñà xita judío; kjòjngod-ne ingajò naxandá; jngod naxandá xitse komà-ne nga jè titsajnakooá Cristo; k'oaá komà-ne nga tsijne 'nchán kjoa. ¹⁶Cristo, k'e nga k'en-t'aà krò, yaá kisikjehet'aà kjoa kondra xi jòya tjín. Kisikjoóndaà-ne ingajò naxandá; jngod naxandá komà-ne koa kitsjaà-là kjoa'nchán it'aà ts'e Nainá.

¹⁷Jñò xi kjiìn títsajna-là Nainá nga sa ítjòn, tikoá ngajen xi titsajnat'aà chrañà-lajen, j'iì Cristo nga j'iì kénojímí-ná 'én ndaà xi tsjá-ná kjoa'nchán. ¹⁸Ndaà chjí-là Cristo nga ingajò naxandá-ná jyeé jí'nde-ná nga koma chíkoaá Nainá nga tijè-ne Iníma Tsjeè-là tsjá-ná nga'ño nga ingajoá. ¹⁹K'oaá ma-ne jñò xi mìtsà xita judío 'mì-nò, mìtsà tì xita xìn nangui-nò. Jñò, i'ndeì, ngásòn ya tajngod nokjoà-nò naxandá-là Nainá; xita xinguiòo-nò ngats'iì xita naxandá-là Nainá. ²⁰K'oaá ngaya-là koni tsà jngod ni'ya tísindaà. Jñò, jè ngaya-là ndajo xi mochjeén-là chrjó ni'ya. Jñà xita xi tsibíxáya-là Cristo kò jñà xi kiichja ngajo-là Nainá, jñà-né tàts'en chrjó-là ni'ya. Kò jè Cristo jè ndajo chrjangui-là chrjó ni'ya. ²¹Nga kò Cristo ngats'iì ndajo-là chrjó ni'ya, ndaà tísikjod kò tímajeya ni'ya mé-nè nga ni'ya tsjeè-là Nainá koma-ne. ²²Tikoá jñò, nga Cristo títsajnakjodkoo, Nainá tísíkítsajnakjod-nò kò xita xinguiòo xi k'jeíí, mé-ne nga jñò koma-nò ni'ya ñánda tíjna Nainá nga Iníma Tsjeè.

Xá-là Pablo it'aà ts'e xita xi mìtsà xita judío

3 ¹K'oaá ma-ne bìtsi'bà-là Nainá, 'an xi 'mì-na Pablo nga ndayá tíjnaa, koií ngatjì-là nga 'an benojímí-nò 'én ndaà-là Jesucristo, jñò xi mìtsà xita judío 'mì-nò. ²Nga jyeé-là tíjiìn-nò nga kjondaà ts'e Nainá-né nga 'an kitsjaà-na xá xi kjondaà tsajòn, ³koni s'ín kisihiseèn-na Nainá nga tsakó-na jè kjoa xi jí'ma-là skanda kjòtseé. Jyeé isa kiskii chiba-nò jñà

'én koi. ⁴K'e nga tsà ndaà kíxkejñòò xojon jè koni s'ín kiskii ítjòn-nò, yaá jchaá nga 'an ndaà tíjìn-na jè kjoa tíj'ma ít'aà ts'e Cristo. ⁵Nga ìsa kjòtseé, nijngòò xítà tíjìn-la jè kjoa tíj'ma; tanga ìndeì jè Inìma Tsjeè-la Nainá kishiseèn-la jñà xítà xi xó jaàjìn-ne Nainá, jñà xítà xi tsibíxáya-la Cristo kò xi kíichja ngajo-la. ⁶Jè kjoa tíj'ma, jè-né nga jñà xi mìtsà xítà judío, k'e nga mokjeín-la 'én ndaà-la Nainá xi kjoa ts'e Cristo, ngàsòn tjoé-la kjotjò-la Nainá nga ngàsòn íxti-la ma koni jñà xítà judío; jngòò naxandá koma yije kóhotjín; kò jñà xi mìtsà xítà judío ngàsòn tjoé-la kjondaà koni s'ín kitsjaà-la tso'ba Nainá jñà xítà judío.

⁷Ta kjondaà-la Nainá-né nga 'an kitjoé-na xá jè. Jè kitsjaà kjotjò-na nga chí'nda-la ma k'e nga kitsjaà-na nga'ño-la mé-ne nga 'an kènøjmiá 'én ndaà-la Cristo. ⁸'An, nas'ín ìsa 'ño nangui tìjna-la ngats'ìi xítà-la Nainá, tanga Nainá kitsjaà-na kjondaà jè, nga 'an chjàyajiìn-la 'én ndaà-la Nainá xi kjoa ts'e Cristo jñà xi mìtsà xítà judío, mé-nè nga skoe-ne kó kji 'ño tse kjondaà tsjá Cristo skanda mìkii bijchótjìngui-la kjohìtsjeèn-ná. ⁹Jè xá xi 'an kjòngatsja nga 'an sìhiseèn-la jñà xítà mé-ne nga skoe-ne kó s'ín tjín kjoa xi tíj'ma. Nainá xi tsibíndaà ìsò'nde, jè tìjna'ma-la kjoa jè skanda tìsa tàts'en-la kjoa. ¹⁰Koif k'oas'ín komà-ne mé-ne skoe-ne ìndeì ngats'ìi inìma ch'o kò inìma xi ndaà xi tjín-la nga'ño ijìin ìsén nga kjin skoya kjoachjine tjín-la Nainá. Yaá skoe kjoa koi ít'aà ts'e naxandá-la Cristo. ¹¹Nga tìsa tàts'en-la kjoa, Nainá k'oaá s'ín tjíndaà-la nga ít'aà ts'e Cristo kítasòn yije kjoa koi. ¹²Ìndeì, nga Cristo titsajna k'oaá, jyeé 'ño takoán. Komaá chikoaá Nainá ñánda tìjna nga mì tì kii xkón-oná nga jyeé mokjeín-ná ít'aà ts'e Cristo. ¹³K'oaá s'ín sùjé-nò nga kì nìkjajen-là takòn jè kjo'in xi tìsikjiaán nga 'an benøjmí-nò 'én ndaà-la Nainá xi kjoa ts'e Cristo. Ìsaá ndaà kàtatsja-la inìma-nò nga kjondaà tsajòn-nò.

Kó tsò Pablo nga bìtsi'batjì naxandá-la Cristo xi títajna Éfeso

¹⁴Koif kjoa-la nga ósijna xkó'nchit'aà-la nga bìtsi'bà-la Nainá xi Na'èn-ná. ¹⁵Nga ít'aà ts'eé Nainá nchrobá-ne nga tjín na'èn kò tjín íxti nga jngòò ìjngòò ni'ya xítà xi tjín ngajmii kò xi tjín ìsò'nde. ¹⁶Nainá, nga tse nga'ño tjín-la, k'oaá s'ín bìtsi'bà-la nga kàtatsjá-nò nga'ño-la xi ts'e inìma-nò nga jè Inìma Tsjeè-la

Nainá kàtasíxájiin iníma-nò. ¹⁷Jè Cristo, ndaà kàtijnajiin iníma-nò, nga mokjeíin-nò it'aà ts'e; 'nó ndaà kàtas'e-nò kjoatjòcha-la Nainá koni jngòè yá xi nanga fi ima-la, kò koni jngòè n'ya xi nanga tjihijiin chrjó-la. ¹⁸K'oaá s'ín koma-ne nga jñò kò ngats'iì xita-la Nainá, jchaxkoòn koa kochiya-nò nga 'nó tse kjoatjòcha xi tjin-la Cristo, 'nó tiyà, 'nó ndojò, 'nó nanga kò 'nó 'nga. ¹⁹Nguì ndaà jchaà jè kjoatjòcha xi tjin-la Cristo xi isa 'nó otonè-la ngats'iì kjohítsjeèn-ná skanda mikiì machiya-ná, mé-ne nga nimé chijat'aà-nò koni jè Nainá, nimé chijat'aà-la.

²⁰Nainá, 'nó tse nga'nó tjin-la, tsà k'e nga mé xi nijé-laá, skanda isáá 'nó síkatonè-la koni s'ín nijé-laá kò nga koni s'ín níkiítsjeèn. K'oaá s'ín tsjá yije-ná nga kò nga'nó-la xi síxájiin iníma-ná. ²¹Jeya kàtjna Nainá ya ijiin naxandá-la kò it'aà ts'e Cristo nita mé naxrjein-ne, nita mé nó-ne. K'oas'ín kàtama.

Títsajtión nga kò Iníma Tsjeè-la Nainá

4 ¹Koií kjoa-la nga k'oas'ín bìtsi'bà-nò nga ndaà tjjchá yijo-nò koni s'ín ok'in-la kjoa xi xó kinokjoà-nò. 'An, ndayá tijnáa'ya jè ngatji-la nga Nainá tìsìxá-la. ²Jñò, kì 'nga ikon 'nè; indaàkjoa t'een, kàtas'e-nò kjoatsejta; ngàsòn kàtachíkjoa-nò mé kjoa xi tjin-nò nga matsjacha xinguiòo. ³Tìnè-là yijo-nò nga titsajnajtión-koo xinguiòo koni s'ín jye tsibítsajnajtín-nò jè Iníma Tsjeè-la Nainá, mé-ne nga 'nchán kítsajna-nò. ⁴Nga tà jngòè ma naxandá-la Nainá; kò tà jngòè ma Iníma Tsjeè-la Nainá; tìkò tà jngòè kjoa chiñá-lá nga Nainá xó kiichja-ná; ⁵kò tà jngòè ma Na'èn-ná Jesucristo xi otíxoma-ná; tà jngòè kjoa tjin koni s'ín mokjeíin-ná it'aà ts'e Cristo; tìkòáà tà jngòè kjoa tjin nga ma bautizar xita. ⁶Ta jngòè ma Nainá nga ngats'iaá Na'èn-ná ma, jè xi otíxoma-ná nga ngats'iaá, jè xi síxájiin iníma-ná nga ngats'iaá, kò jè xi tijnako-ná nga ngats'iaá.

⁷Tanga kitjoé-ná kjotjò koni s'ín sasén-la Cristo mé xá-la Nainá xi s'eén nga jngòè jngoáá. ⁸Koií kos'ín tíchja-ne Xojon-la Nainá nga tsò:

K'e nga jye kisikijne nga tífimijìn-ne ngajmiì,
kiikò preso jñà xita xi kitsobà'nó,
kò kitsjaà-la kjotjò jñà xita.

⁹¿Kó tsòya-ne jè xi tsò: “Tífimijìn-ne ngajmiì”? Tsòyaá-ne nga [jè Cristo] ítjòn itjojen skanda ñánda 'nó nanga ijiin

nangui. ¹⁰Jè xi itjojen-t'aà skanda it'aà nangui, tjiè-ne xi tsijin ìjngòd k'a-ne ñánda nga isa 'ñó 'nga tsibìjna koni ngats'li xi 'nga títajna mé-ne nga jè sùjngòd yije-ne nita mé xi tjin isò'nde. ¹¹Tikoa tjiè-ne xi kitsjaà-la xá xita-la mé xá xi s'in nga jngòd ìjngòd. Tjin xi tsibíxáya-la Jesucristo nga sika'bísòn 'én ndaà-la; tjin xi jña kichja ngajo-la; tjin xi 'én ndaà-la Nainá xi kjoa ts'e Cristo bénojmiya; tjin xi síkinda naxandá-la Nainá; tikoa tjin xi okóya 'én-la Nainá. ¹²K'oaá s'in kitsjaà-la xá xita-la nga jngòd ìjngòd mé-nè nga kátatsjá-la kjohítsjeèn xita naxandá-la nga koma sùxá-la Nainá, nga isa tse nga'ñó s'e-la naxandá-la Cristo. ¹³K'oaá s'in koma-ne nga jngòd kjohítsjeèn s'e-ná ngats'iaá koni s'in mokjeín-ná it'aà ts'e Nainá ko koni s'in yaxkoaán Ki'ndí-la mé-ne nga nguì xita kixi komaá. Nguì k'oaá s'in kongásòn-kjoaá kóhotjián koni jè Cristo nga nimé chijat'aà-la. ¹⁴Mi ti k'oas'in s'en-ná koni s'in ndí ixti nga niton mokjeín-la yá xita xi konachan-la; nga fijen fikjako koni tsà tjo tísiskako; nga fitjinguì-la kjohítsjeèn-la xita maña xi 'én ndiso okóya nga kje'ei ndiyá tjimaya. ¹⁵Tà saá 'én kixi-la Nainá kinókjoaá nga matsjachaá xinguiáá mé-nè nga kos'in isa ndaà skasòn kjohítsjeèn-ná koni s'in tjin kjohítsjeèn-la Cristo nga jè tjna xi sko-la naxandá-la Nainá. ¹⁶Nga jè naxandá-la Nainá, k'oaá kji koni jngòd yijo-la xita. Jè Cristo tjna xi sko-la; ko jè tsjá-la nga jngòd ìjngòd xá xi oko-la; ikjoàn síjngòd koni s'in tjin yijo-ná nga títéya naxá-la nindaà-ná; nga jngòd ìjngòd skaya, katjín katjín xá-la. K'e nga ndaà síxá yije yijo-ná maje-né koa ma'nga-né. K'oaá tis'in tjin jè naxandá-la Cristo nga koje-né koa ko'nga-né k'e nga jngòd ìjngòd xita-la ndaà sùxá nga matsjakeè xikjín.

**Kós'in sjchá yijo-ná k'e nga jè Nainá
súxtseya inima-ná ko kjohítsjeèn-ná**

¹⁷It'aà ts'e kjoitixoma xi tsjá-na Cristo, k'oaá xan-nò ko bit'in-nò nga mi ti k'oas'in s'en-nò koni s'in xita xi kje'ei xi mikii beèxkon Nainá, nga tákó tjimako kjohítsjeèn-la xi nimée chjí-la. ¹⁸Tà tjiññò kjohítsjeèn-la. Tjìn-la kjoabinachon xi it'aà ts'e Nainá nchrobá-ne; mikii beè kó s'in sùjchá yijo-la nga jè inima-la tájaàjìn tjin; mikii tsjá'nde nga fahas'en-jiin kjohítsjeèn xi ndaà tsò. ¹⁹Mi ti kiì beè-ne xi kjosobá 'mì, jyeé kòxox'in. Tà kjoa chijngui 'ñó sí's'in-la; kjit'aà nachrjein ótsji

ngats'iì kjoa ch'o xi tjin isò'nde. ²⁰Tanga jñò, mì k'oaá tjin kjoa xi kis'enojmi-nò it'aà ts'e Cristo. ²¹Nga jye ndaà kina'yà-là 'én-la kò ndaà kichita'yà kó s'ín tjin xi nguì kjoa kixi it'aà ts'e Jesús. ²²K'oaá s'ín kis'enojmi-nò nga chjaàxiòn kjoa jchínga xi tjin-nò nga sà kjòtsee koni s'ín kinijchá yijo-nò; i'ndeì jyeé mì tì mé chjí-la kjoa koi koií kjoa-la nga jñà kjoa ch'o xi kisaseèn-la yijo-nò kiskoònachan-nò. ²³Tjí'nde-là Nainá nga jè kàtasíxitseya inima-nò kò kjohítsjeèn-nò. ²⁴Chjoé ìjngodò k'a xi kjoa xitse xi k'oas'ín kisindaà koni kji isén-la Nainá mé-ne nga kixi kò tsjeè sijchá yijo-nò koni s'ín tjin xi nguì kjoakixi.

²⁵K'oaá ma-ne i'ndeì, kì tì 'én ndiso nokjoà-nò. 'En kixi tinókjoakoo xinguiòo nga jngodò ìjngodò nga tà ngásòn xita xinguiáá ma kóhotjián.

²⁶Tsà k'e nga majti-nò, kì jé binchaàtsjioò; kì nìjti-là yijo-nò kóni nga 'ba nachrjein skanda k'e nga okatjì ts'oi. ²⁷Kì kiì biì'nde-là xita neií nga jè konachan-nò.

²⁸Jè xi chijé s'ín nga sà ítjòn, kì tì chijé s'ín-ne i'ndeì; tìkooá-ne k'oas'ín kàtasíkjeén tsja nga kixi kàtasíxá mé-nè nga sakò-la ton xi tsjá itsé-la xita ima xi nímé tjin-la.

²⁹Nijngodò 'én xi ch'o tsò nokjoà; jñà 'én tinókjoakoo xinguiòo xi ndaà tsò xi kochjeén-la xinguiòo nga isa kixi kítsajna mé-nè nga kochikon-t'in-ne jñà xita xi kji'nchré-nò. ³⁰Kì niba-là jè Inima Tsjeè-la Nainá, jè xi tsibít'aà chiba-ná mé-ne nga kàta'ya-ná nga xita-la Nainá 'mì-ná skanda jè nachrjein k'e nga siłkítsajnandeíí-ná Nainá xi kjoa ts'e jé.

³¹Chjaàxiòn yije ijiin inima-nò jñà kjoa xi ch'o tjin xi kondra ts'e xita xi kjeíí koni kjoa bínguitakòn, kjoajti, kjoa xi makjan-nò, kjoa nga chítikoo xinguiòo, kò nga nokjoàjno-là xinguiòo, kò ngats'iì kjoats'en. ³²Ndaà chibàkoo xinguiòo; kàtas'e-nò kjohimatakòn; tijchàat'aà-là jé-la xinguiòo koni s'ín kisìkò-nò Nainá it'aà ts'e Cristo nga kisijchàat'aà-nò jé-nò.

Kó s'ín sijchá yijo-ná nga ixti-la Nainá 'mì-ná

5 ¹K'oaá ma-ne nga k'oas'ín tijchá yijo-nò koni s'ín Nainá nga koi kjoa-la nga ixti-la Nainá 'mì-ná nga 'ñó matsjakeè-ná. ²K'oaá tis'ín tjòcha chaà xinguiòo koni Cristo tjòkeè kijtsee-ná nga jè kitsjaà ngajo-ná yijo-la nga k'en, jngodò kjotjò xi ndaà kjòtsjakeè Nainá.

³Jè xi kjoa chijngui, ngats'iì kjoa ch'o xi 'nó tjé tjín kò kjoa nga maxitakòn-chaà xinguiòò mì tì k'oaá tjín kjoa xi koxki-ne it'aà tsajòn. Nga jñò, xita tsjeè-la Nainá 'mì-nò. ⁴Kì 'én tsa'a nokjoà, kò 'én nchikón, kò 'én xi ch'o tsò nga bijnòkeè xita. Jñà kjoa koi, tikoáà mìkii ok'in-la nga kos'ín kinókojaa. Tà saà kjondaà tjiì-là Nainá. ⁵Jye tjiìn-nò nga mìkii koma kjoahas'en nándà tíhotíxoma Cristo kò Nainá, ngats'iì xita xi kjoa chijngui s'ín, xi kjoa xi 'nó tjé s'ín kò nga maxitakòn-keè xíkjin. Jñà xita xi k'oas'ín s'ín, ta jñà kjoa koi beèxkón nga nei-la ma. ⁶Kì yá xita xi konachan-nò xi taxki 'én bénojmi-nò xi nímé chjí-la it'aà ts'e jé koi. Ta jè ngatji-la nga kjo'in tsjá-la Nainá jñà xita xi mìkii 'nchrénijon-la. ⁷Kì ya tsjahitakoo xita koi.

⁸Jñò, nga sa kjòtseé, jè kjohítsjeèn-nò tjiñò-la, tanga i'ndeì, jyeé iseèn titsajnaà nga Na'èn-ná Jesucristo titsajnakoo. K'oaá s'ín tijchá yijo-nò koni s'ín ok'in-la jñà xita xi ya titsajna nándà iseèn choòn. ⁹K'e nga kjoa iseèn tjiìn inima-ná ndaà s'een, ya kitjáyaà ndiyá kixi, koa nguì 'én kixi kinókojaá. ¹⁰Tinchátsjioò mé kjondaà xi sasén-la Na'èn-ná. ¹¹Kì ya chingajñoò kjoa xi nímé chjí-la koni s'ín xita xi tjiñò kjohítsjeèn-la. Jñò, ta saà takó nga kàta'ya-la nga mìkii ndaà tjín kjoa xi s'ín. ¹²Skanda masobà-ná nga nokjoá jñà kjoa'ma xi ch'o tjín xi s'ín jñà xita. ¹³Nita mé kjoa-ne xi sijna nándà iseèn choòn, nitoón beè xita mé kjoa-ne, a ndaà tjín, a xi mìkii ndaà tjín. Nga jè kjoa iseèn okó yije xi ndaà tjín kò xi mìkii ndaà tjín. ¹⁴Koií kòtsò-ne 'én xi tsò:

Ngaji xi titsajnafì, tikjaá-la yijo-lè.

Tisítjen-jiìn-la mik'en;

jè Cristo sùhiseèn-lè.

¹⁵Ndaà tikindaà koni s'ín titsanjchá yijo-nò; k'oaá s'ín titsajna koni xita xi tjín-la kjoachjine; kì k'oaá 'nè koni s'ín xi tsjìn-la kjohítsjeèn. ¹⁶Ndaà tikjeén nachrjein mé xi s'een; nga nachrjein i'ndeì, 'nó tjín kjoa ch'o. ¹⁷Kì ch'o onguíkoo kjohítsjeèn-nò; ndaà kàtachiya-nò mé xi mejèn-la Nainá. ¹⁸Kì xán 'yò, jè xán síkits'ón-ná, tà saá jè Inima Tsjeè-la Nainá ndaà kàtas'en-jiìn inima-nò nga kàtakó-nò ndiyá kixi. ¹⁹Chikoo xinguiòò 'én-la Nainá. Tijndá-là sò xi 'mì salmo, himno koa tijndá jiìn inima-nò jè xi okóya-nò Inima Tsjeè-la Nainá. Jeya tikijna Nainá nga kò inima-nò. ²⁰It'aà ts'e 'ín-la Na'èn-ná

Jesucristo, nàchrjein nchijòn tjiì-là kjondaà Nainá xi Na'èn-ná ngats'iì xi tsjá-nò.

Kjoa xi tjinè-la nga sikkitasòn jñà xita x'in ko jñà íchjín

²¹Nangui titsajna-là xinguiqo koni s'ín yaxkón Cristo.

²²Jñò, íchjín xi x'in tjin-nò, nangui titsajna-là x'in-nò koni s'ín nangui bitsajna-là Cristo. ²³Nga jè x'in, jè xi sko tjna-la chjoón, koni Cristo, jè xi sko-la naxandá-la. Ko jè Cristo xi ochrjekàjiin kjo'in naxandá-la nga tijè-ne yijo-la. ²⁴Koni jè naxandá-la Cristo nangui tjna-la, k'oaá tis'in jñà íchjín, nangui kàtjna-la x'in-la nita mé kjoa-ne.

²⁵Jñò xi x'in mì-nò, titsjacha íchjín-nò, koni jè Cristo matsjakeè naxandá-la nga jè kitsjaàtji yijo-la nga k'en. ²⁶Koif kos'ín kis'iin-ne nga tsjeè sikkjna naxandá-la nga nguixkon Nainá. Jè jaàxìn jé-la nga ko 'én ndaà-la koni s'ín xita nga onijno yijo-la, ²⁷mé-nè nga tijè kokò-ne nga tsjeè kji ko tijè skoétjò-ne nga ts'e koma, jngod naxandá xi jeya tjna, xi mì ch'oo kji, mì tjíyó kji, mì tjé kji, jngod k'a tsjeè kji, ko nimé jé tjin-la. ²⁸Tikoaá jè x'in kàtamatsjakeè chjoón-la koni s'ín matsjakeè xi ti yijo ts'e-ne; nga jè xi matsjakeè chjoón-la, tijè-ne yijo-la tímatsjakeè. ²⁹Nijngod xita xi tijè beètoòn-ne yijo-la; ta saá tsjá-la nga'nó nga síkinda yijo-la koni s'ín jè Cristo nga síkinda naxandá-la. ³⁰Nga jè naxandá-la tijè-ne yijo-la; ko jñá, tikoaá yaá nokjoàt'aà-ná yijo-la. ³¹Koif kjoa-la nga k'oas'ín tíchja Xojon-la Nainá nga tsò: “Jè x'in xi bixan sikkjna na'èn-la ko nea-la nga kijnako chjoón-la. Ingajò, tà jngod xita koma.” ³²Jñà 'én koi, jngod kjoa xi 'nó 'in tjin skanda mìkii fiya-ná. Tanga 'an, jè tisikaxkia Cristo ko naxandá-la. ³³K'oaá xan-nò ngats'iod nga jngod ijngod, titsjacha íchjín-nò koni s'ín matsjacha yijo-nò; ko jè chjoón kàtèèxkón x'in-la.

Kjoa xi tjinè-la nga sikkitasòn jñà ixti ko xita jhínga

6 ¹Jñò xi ixti 'mì-nò, tiná'yañijon-là xita jhínga-nò nga Cristo titsajnakoo. Koif kjoa xi kixi tjin. ²⁻³Nga tsò jè Xojon-la Nainá: “Jchaxkoín na'èn-lè ko nea-lè, mé-nè nga ndaà kijn-ne koa tseé koma-lè i isò'nde.” Ngats'iì kjotixoma xi kitsjaà Nainá, jè jèe xi tsjá ítjòn jngod-la kjondaà jñà xita xi sikkitasòn.

⁴Jñò xi na'è'n 'mì-nò, kì ixti-nò nìjti-là; k'oaá s'ín tijchá nga ndaà tikixioo koa ndaà takóya-là koni s'ín mejèn-la Na'è'n-ná.

Kjoa xi tjínè-la nga sùikitasòn xi chi'nda 'mì

⁵Jñò xi chi'nda maà, ndaà tikitasòn-la xi nei-nò ma i it'aà nangui; ndaà jchaxkón nga tijnogò takòn koni tsà xá ts'e Cristo tita'nè. ⁶Ndaà tixá-là nei-nò; mì tà k'e ndaà nixá k'e nga tímakinda nga tà jè nei-nò ndaà kitsajnakoo; k'oaá s'ín t'een koni tsà chi'nda-la Cristo maà nga nguì koó inima-nò tixá koni s'ín mejèn-la Nainá. ⁷K'oaá s'ín tixá nga nguì ko kjotsja-nò koni tsà xá-la Na'è'n-ná tita'nè ko mìtsà ts'e xi taxki xita. ⁸Ndaà 'yaà nga jngod ìjngod xita, Nainá, k'oaá s'ín tsjá-la chjí-la koni tjín xá xi s'ín, nas'ín xita chi'nda ko xi mìtsà xita chi'nda.

⁹Jñò xi nei-la xá 'mì-nò, k'oaá tis'ín tjò t'een chi'nda-nò. Kì taxki chítikoo chi'nda-nò nga mejèn-nò kjo'in bìnè-là. Ndaà tjiin-nò nga jè Nei-la xita chi'nda-nò ko jè Nei-nò, tijé-ne xi tjina ján ngajmiì. Nga jè, mìkiì faájiin xita; tà ngásòn fikò.

Kjoa xi tsjá-la nga'nó inima-ná

¹⁰Jñò 'ndseé, jñà kjoa koi xi fehet'aà-ne; k'oaá xán-nò: Tinchátsjiod nga'nó ts'e inima-nò it'aà ts'e Na'è'n-ná Jesucristo; 'nó titsajnakoo ngats'iì nga'nó xi 'nó tse tjín-la Cristo. ¹¹Tisikòò yijo-nò, chjoé yije nga'nó xi tsjá-nò Nainá mé-nè nga tájaà titsajna-nò nga mì jè xita neí skónachan-nò. K'oaá ngaya-la koni jñà soldado nga 'ya yije kicha-la k'e nga fi kjojchán. ¹²Nga mìtsà jñà xita isò'nde titsabixkán-koaá. Jñà kondra-ná xi xitaxá ítjòn tjín-la ijìin iseèn, jñà xi mìkiì tsejèn, ngats'iì xi tjín-la kjotíxoma ts'e xita neí, koa xi sko-la títsajna nga jñà otíxoma isò'nde jñò, ngats'iì nga'nó-la xita neí xi tjíma jjiin isén nga tíjtsa isò'nde.

¹³Koíì koxan-nò, chjoé yije nga'nó xi tsjá-nò Nainá mé-nè nga 'nó kitsajna-nò jè nachrjein k'e nga mejèn-la skónachan-nò xita neí. K'e nga jye sikijneè, tákó k'oaá s'ín kixi kìncha-là nita mé kjoa-ne. ¹⁴K'oaá s'ín 'nó kixi titsajnandaà; nguì 'én kixi tinókjoaa mé-ne nga kitsajnandaà kjoa ts'e xita neí koni s'ín jñà soldado nga 'nó bíkjá xincho-la [mé-ne nga mì sùjti-la nikje-la k'e fi kjojchán]. Ko nguì kixi titsajnaá nga nguixkon Nainá mé-ne nga ndaà kójtsa

inimā-nò koni jngoò soldado xi ndaà kijtsa inimā-lā jè chrjoā xi 'mì coraza. ¹⁵Kjit'aà nachrjein titsajndaà nga sika'bió 'én ndaà-lā Nainá mé-ne nga kàtas'e-lā kjoa'nchán jñà xitā. K'e nga kos'ín s'een, 'nó kitsajnaà koni jngoò soldado nga tjin-lā nga'ño xoxté-lā nga ma fi. ¹⁶K'e nga ndaà mokjeiín-nò it'aà ts'e Nainá, jè kosiko-nò xi kjoa ts'e xitā neií k'e nga jè bít'in-nò nga binchaàtsjiod jé; k'oaa गया-lā koni s'ín jngoò soldado nga kjoé escudo-lā, jè xi síkits'o ni'ín flecha xi titi-lā xitā neií. ¹⁷Jè kjoa nga bitjokajñoò kjo'in, jè गया-lā jè tsí'nguién kichā xi osiko skō soldado. Koā jñà 'én ndaà-lā Nainá jè गया-lā kichā ndojò xi tsjá Inimā Tsjeè-lā Nainá. ¹⁸Kì bikjoàn-là nga bìtsi'bà-là Nainá; tijét'aà kjit'aà-là koni s'ín bénojmiya-nò Inimā Tsjeè-lā Nainá. Kjit'aà nachrjein titsajndaà; kì ñihindaà-jèn nga bìtsi'batjiò ngats'iì xitā naxandá-lā Nainá. ¹⁹Tikoa titsi'batji-ná it'aà ts'an mé-nè nga Nainá tsjá-na 'én xi kichjà, koā mé-ne nga mìkiì tsakjoòn-na k'e nga kènojmi-lā xitā jè 'én ndaà-lā Nainá xi kjoa ts'e Cristo xi ochrjekàjiin-ná kjo'in mé-ne nga koma skoε-ne jè kjoa'ma xi tijnā-lā Nainá skanda kjòtseé. ²⁰Nainá kisikasén-na nga 'an kichjà ngajo-lā it'aà ts'e 'én ndaà-lā; koií kjoa-lā nga ndayá tijnāa'ya; sijét'aà-nò nga titsi'batji-ná mé-ne nga mì tsakjoòn-na nga kènojmiá 'én ndaà-lā.



Jngoò soldado xi Roma chja-ne

'Én xi fehet'aà-ne

²¹Tìsikasén-nò jè 'ndsé Tíquico jè xi matsjachaá, tikoá ndaà síxá-lá Nainá. Jè okitso yije-nò xi it'aà ts'an, kó s'ín tijnáa, kó mé xi tìs'iaàn. ²²Koíí xá tìsikasén-nò nga keènojímí-nò xi it'aà tsajen kós'ín tìtsajna-jen kó mé-ne nga kàtatsjá-nò nga'ñó ts'e inìma-nò.

²³Jè Nainá xi Na'èn-ná kó jè Jesucristo xi otíxoma-ná kàtasíkijna 'nchán ijiin inìma-nò ngats'ioò xi xinguiáá chibá; kàtatsjá-nò kjondaà nga tjòcha t'een xinguióo, nga mokjeín-nò it'aà ts'e Nainá. ²⁴Jè kjondaà-lá Jesucristo xi otíxoma-ná kàtijnako ngats'iì xitá xi mìkìì síkjahatjìya-lá kjohítsjeèn-lá nga kjit'aà nachrjein ndaà matsjakeè Na'èn-ná Jesucristo. K'oa's'ín kàtama.